



## Manifesto da leadership da l'Armada svizra

L'Armada svizra stat en per la direcziun transfurmaziunala. La scolaziun da leadership s'orientescha en emprima lingia als suandants puncts:

- Intermediar valurs e visiuns,
- Cuntanscher cuminaivlamain finamiras,
- Promover individualmain las schuldadas ed ils schuldads.

Las personas da cader da l'Armada svizra sa tegnan en tut lur funcziuns e scolaziuns als suandants princips:

Identificaziun	Nus vulain influenzer en moda positiva e latiers agir en moda exemplarica cun entusiassem e cun persvasiun.  En il context militar vul quai cunzunt dir: spiert da corp e morala.
Inspiraziun	Nus vulain motivar en moda inspiranta e latiers explitgar, entusiasmar e manar.  En il context militar vul quai cunzunt dir: in bun exempel.
Impuls	Nus vulain pretender e latiers promover novas ideas, empruvar alternativas e dar novs impuls.  En il context militar vul quai cunzunt dir: tactica da missiun ed intermediaziun da senn.
Individualisaziun	Nus vulain promover las fermezzas individualas da las schuldadas e dals schuldads, identifitgar ils potenzials ed orientar il coaching al context individual.  En il context militar vul quai cunzunt dir: sustegn e qualificaziun.

Noss champs d'acziun principals en la scolaziun (scolaziun da personas da cader cun transfer en il servetsch practic/tar la realisaziun pratica) èn ils secturs leadership, tecnica directiva, cumpetenzas da communicaziun, metodica da scolaziun e management da crisas. Questas cumpetenzas vegnan intermediadas directamain tras instructuras ed instructurs cun experientscha u en gruppas pitschnas, applitgadas en situaziuns da direcziun directas e praticas ed alura discutadas.

La finamira da la scolaziun da direcziun militar èn personas da cader flexiblas che san lavurar sut squitsch ed èn orientadas a la soluziun, che mainan, integreschan, schlian problems e che adempleschan uschia lur incumbensas en moda effizienta ed efectiva. Sco personas da cader exemplaricas scoleschan ellas correspondentamain lur personas confidadas suttamessas, uschia ch'er l'organisaziun sa mida en moda positiva tras la cultura da cader transfurmaziunala.



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Departament federal da defensiu,  
protecziun da la populaziun e sport DDPS  
**Armada svizra**  
Visiun – Leadership

En quest connex stat l'Armada svizra en in stretg contact cun la cuntrada da furmaziun naziunala ed internaziunala, cun autras armadas, cun l'economia, cun associaziuns ed organisaziuns. E quai cun la finamira da metter a disposiziun a quests acturs persunas da cader, schuldadas e schuldads ch'èn abels da schliar las sfidas preschentadas e futuras cun metodos modernas.

L'Armada svizra porscha la meglra scolaziun da leadership – en spezial per persunas da cader giuvnas – e crescha uschia ina plivalur per lur carriera civila sco er per la societad en general.

Las sutsegnadras ed ils sutsegnaders sa decleran a quests princips e vegnan a promover il personal militar da lur sector da responsabladad.